

山谷外集

卷十至卷十三

漢書門
一〇二三一號
七四函
九架
七冊

庫文閣内
特四十四
漢書
一〇二三一號
七函
九架
七冊

内閣文庫
番號漢 10231
冊數 7(6)
函號 3 2



原本の文字など不明瞭な個所があります。

顏氏家訓曰借人與
籍昏須愛護先有缺
壤就為補治此亦士
大夫百行之一也
鄞江衛氏謹誌

豫章先生外集卷第八

淺草文庫

絕句

西原方孝伯

幾復寄檳榔且荅詩勸予同種復
次韻寄之

少年不食蟻丘漿老去得意漆園方鑑
中已失兒時面忍能乞與兵作郎

三月乙巳來賦鹽萬歲鄉且蒐獮
匿賦之家晏飯此舍遂留宿是日



大風自採菊苗薦湯餅二首

飛廉決雲開白日頓撼天地萬竅號接
菽桃李欲淨盡乞與游絲百尺高
幽叢秀色可攬擷煮餅菊苗深注湯飲
冰食藥浪自苦摩挲滿懷春草香

贈朱方李道人

顴骨橫穿壽門過年比數珠剩三顆橫
吹鐵笛如怒雷國初舊人唯有我

戲題曾處善尉廳二首

雞埒啄鴈如鴛鴦萬里天衢且一波宮錦
絡衫弓石八與人同狀不同科

超然臺

茅茨中安一牀寂天女元非世間色道

人今日八關齋莫散花來染衣絨

不動菴

從王都尉覓千葉梅云已落盡戲

你嘲吹笛侍兒

若為可耐昭華得脫帽看髮已微霜催

盡落梅春已半更吹三弄乞風光

題畫鵝鴈

駕鵝引頸回似我曾中字右軍數能來
不爲口腹事

水國鴻鴈秋煙沙風日麗莫遣角弓鳴
驚飛不成字

送六十五第賁南歸

風驚鴻鴈行吹落秋江上爲掃碧巖邊

問叔今無恙

十四弟歸洪州賦莫如兄弟四章

贈行

惱人自作樂休休莫莫相看將白頭
止有不如昨

北來嘯慈烏南歸護尔雛昨夜雲飛鴈
相隨我不如

志欲收九族別離乃同生誰能成此意

唯有孔方兄

大夫無恙時刻意教子弟歸掃松楸下
洒我萬里涕

題李夫人偃竹

孤根偃蹇非傲世勁節癯枝萬壑風
中白髮翰墨手落筆乃與天同功

贈吳道士

吳仙十二棊一擊玄關應探人懷中事

如月入清鏡

題大雲倉達觀臺二首

戴郎臺上鏡面平達人
大觀因我名何時燕雀賀新屋
喚取竹枝歌月明
瘦藤拄到風煙上
乞與遊人眼豁開
不知眼界闊多少
白鳥飛盡青天回

題山谷大石

畏畏

音委

佳佳

音甫

石谷水簌簌隆隆山木

風爐香四百六十載開山者誰梁寶公

荊州即事藥名詩八首

四海無遠志一溪甘遂心牽牛避洗耳
卧著桂枝陰

前湖後湖水初夏半夏涼夜闌鄉夢破
一鴈度衡陽

千里及歸鴻半天河影東家人森戶外
笑擁白頭翁

天竺黃卷在人中白髮侵客至獨掃榻
自然同此心

垂空青幕六一一排風開石友常思我
預知子能來

幽澗泉石綠閉門聞啄木運柴 奴歸
車前樹生鹿

雨如覆盆來平地没牛膝回望無夷陵
天南星斗濕

使君子百姓請雨不旋復守田意飽滿
高壁掛龍骨

題前定錄贈李伯牖二首

五賊追奔十二宮白頭寒士黑頭公
明朝一飯先書籍安用研桑作老翁
萬般盡被鬼神戲看取人間傀儡棚
惱自無安脚處從他鼓笛弄浮生

駐輿遣人尋訪後山陳德方家

江雨濛濛作小寒雪飄五老鬢毛斑
城中咫尺雲橫棧獨立前山望後山

揚州戲題

春風十里珠簾捲騁歸三生杜牧之
紅藥梢頭初繭栗揚州風物鬢成絲

睡起

仿佛江南一夢中虛堂盡日轉溫風
春深稍覺袂衣重晝永不知樽酒空

倉後酒正廳昔唐林夫謫官所作

十一月巳卯余納秋租隔墻芙蓉

盛開

攀檻朱雲頭未白不知流落向何州空

餘前日學書地小閣紅葉取意秋林夫喜作

隸字

自咸平至太康鞍馬間得十小詩

寄懷晏叔原并問王稚川行李鵝

兒黃似酒對酒愛新鵝此他日醉

時與王叔原所詠因以為韻

詩入雞林市書邀道士鵝雲間晏公子

風月興如何

春風馬上夢樽酒故人持猶作狂詩語

鄰家乞侍兒稚川醉時在旁知狀

憶同嵇阮輩醉卧酒家牀今日爐邊客

初無人姓黃

對酒誠獨難論詩良不易人生如草木
臭味要相似
春色挾曙來惱人似官酒酬春無好語
懷我文章友
紅梅定自開有酒無人對歸時應好在
常恐風雨晦
東南萬里江綠盡一杯酒王孫江南去
更得消息否

獻笑果不情白親初不愛誰言百年交
投分一傾蓋
四十垂垂老文章豈更新鼻端如可斲
猶擬為揮斤
土氣昏風日人囂極鴈鶉尋河著斫繩
墨詩思略無多

乞猫

秋來鼠輩欺猫死窺甕翻盤攪夜眠聞

道貍奴將數子買魚穿柳聘銜蟬

書扇

魯公筆法屋漏雨未減右軍錐畫沙可惜團團新月面故教零亂黑雲遮

催公靜碾茶

雪裏過門多惡客不飲者為惡客春陰出元次山集中只惱有情人睡魔正仰茶料理急遣溪

童碾玉塵

用前韻戲公靜

偶逢携酒便與飲竟別我為何等人兔月龍團不當惜長鄉消渴肺生塵

和謝公定河朔漫成八首

急雨長風溢兩河欣然河伯順風歌行觀東海方存少不以黃流更自多直渠殺勢煩才吏機器爬沙聚水兵河面常從天上落金堤千里護都城

直令南越還歸帝誰謂匈奴不敢王願
見推財多卜式未須筭賦似桑羊
萊公廟略傳者舊韓令風流在并疆安
用鳴磬增漢壘不妨羅拜下諸羌
漢時水占十萬頃官寺民居皆濁河豈
必九渠亡故道直緣穿鑿用功多
虜庭數遣林牙使羌種來窺鴈塞耕壯
士看天思上策月邊鳴笛爲誰橫

蛛蒙黃畫屏初暗塵溢金門鎖不開六
十餘年望瑯輦赭袍曾是映宮槐
百里奔疆王自直萬金捐費物皆春須
令牧馬甘踰幕更遣彎弓不射人

武陵

武陵樵客出桃源自許重遊不作難却
覓洞門煙鎖斷歸舟風月夜深寒

謝曉純送衲鞮

刻草曾升馬祖堂暖窻接膝話還鄉贈
行百衲兜羅鞢處處相隨入道場

避暑李氏園二首

李侯別館鎖春陰花徑吹香可細尋
迸筍侵堦藤倒架主人重爲費千金
荷氣竹風宜永日冰壺涼簟不能回
題詩未有驚人句會喚謫仙蘇二來

戲題大年防禦蘆鴈

揮毫不作小池塘蘆荻江村落鴈行
雖有珠簾籠翡翠不忘煙雨罩鴛鴦

平原宴坐二首 公撰

老作儒生不解事江南有田歸荷鋤
北窻風來舉書葉猶自勸人勤讀書

黃落委庭觀九州蟲聲日夜戒衣裘
金錢滿地無人費一斛明珠惹荻秋

以金沙醪醖送公壽

天遣醪醑玉作花紫綿揉色染金沙憑
君著意樽前看便與春工立等差

同劉景文遊郭氏西園因留宿

人居城市虛華館秋入園林著晚花落
日臨池見斜斗必知清夜有鳴蛙

張仲謀家堂前醪醑委地

沉水衣籠白玉苗不蒙湔拂苦無聊煩
君斫取西莊柳扶起春風十萬條

贈陳元輿祠部

武城園林鎖中秋久得汀州刺史遊招
喚丁寧方邂逅誰言天網漏吞舟

和陳君儀讀揚太真外傳五首

朝廷無事君臣樂花柳多情殿閣春不
覺胡雛心暗動

一作付與山河買忠義

山綺羅翻一作

更作墜樓人

扶風喬木夏陰合斜谷鈴聲秋夜深人

到愁來無處會不關情處揔傷心

梁州一曲當時事一作開元夢記得曾拈玉

笛吹端正樓空春晝永小桃猶學淡燕

脂

高麗條脫瑠紅玉一作脫玻璃玉雙條羅紗琵琶

瑟燃綠絲一作三尺琵琶蛛網屋煤昏故

物一作澤歌脂此生唯有夢來時

上皇曾御昭儀傳鏡裏觀形只眼前養

得祿兒傾四海千秋更有一伶玄

雜詩

古風蕭索不言歸貧賤交情富貴非世

祖本無天下量子陵何慕釣魚磯

同謝公定携書浴室汶師置飯作此

竹林風與日俱斜細草猶開一兩花天

上歸來對書客愧勤僧飯更煎茶客一作卷

謝人惠茶

一規蒼玉琢蜿蜒藉有佳人錦段鮮莫
笑持歸淮海去爲君重試大明泉

暮到張氏園和壁間舊題

邵平不見見園瓜三徑還尋二仲家莫
道暫來無所得未秋先見碧蓮華

從人求花

舍南舍北勃姑啼體中不佳陰雨垂欲
向黃梅問消息背陰合有兩三枝

寄家

近別幾日客愁生叵知遠別難爲情夢
回官燭不盈把猶聽驕兒索乳聲

酒

江形圍似阮家盆山勢岑如北海樽戶
有浮蛆春盎盎雙松一路醉鄉門

急雪寄王立之問梅花

紅梅雪裏與蓑衣莫遣寒侵鶴膝枝老

子此中殊不淺尚堪何遜作同時

又寄王立之

南人羈旅未成歸夢遶南枝與北枝安
得孤根連夜發要當雪月並明時

杜似吟院二首

日長吟院無公事燕入花開必有詩莫
道南風吹鴈去春來亦有北風時
吟院虛明如畫舫想成檻外是長江杜

郎忽作揚州夢雨帶風沙打夜窗

楊朴墓

三尺孤墳一布衣人言無復似當時千

秋萬歲還來此月笛煙莎世不知楊朴喜吹

笛嘗作步
詩極二

次韻李士雄子飛獨遊西園折牡

丹憶弟子竒二首

西園春色才桃李蜂已成圍蝶作團更

欲開花比京洛放將姚魏接山丹
桃李陰中五兄弟扶將白髮共傳杯風
吹一鴈忽南去空得平安書信回

戲和舍弟船場探春二首

雨餘禽語催天曉月上梨花放夜闌莫
聽遊人待妍暖十分傾酒對春寒
百舌解啼泥滑滑忽成風雨落花天城
南一段春如錦喚取詩人到酒邊

戲荅李子真河上見招來詩頗誇

河上風物聊以當嘲云

渾渾舊水無新意漫漫黃塵泥白鷗安
得江湖忽當眼卧聽禽語信船流

同景文丈詠蓮塘

塘上鉤簾對晚香不斜紅日已侵牀江
妃羞出凌波韞長在高荷扇影涼

次韻題粹老客亭詩後

客亭長短路南北
袞袞行人那得知
惟有相逢即相別
一杯成喜只成悲

次韻謝公定王世弼贈荅二絕句

何用苦吟肝腎愁
但知把酒更無憂
聲名本不關人事
看取青門一故侯

酒因咀嚼還知味
詩就呻吟不要工
王謝風流看二妙
病夫直欲卧墻東

李右司以詩送梅花至潞公三雖

不接右司想見其人用老杜和元

次山詩例次韻

凡花俗草敗人意
晚見瓊蕤不恨遲
江左風流尚如此
春功終到歲寒枝

送蛤蜊與李明叔諸君

雪屋吹燈然豆萁
古來壯士亦長飢
廣文不得載酒去
且詠太玄庖蛤蜊

戲贈世弼用前韻

盜跖人肝常自飽首陽薇蕨向來飢誰
能著意知許事且爲元長設蛤蜊

世弼病方家不善論蛤蜊之功戲

荅

伯樂無傳驥空老重華不見士長飢從
來萬事乖名實豈但藥翁評蛤蜊

陪謝師厚遊百花洲槃礴范文正
祠下道羊曇哭謝安石事因讀生

存華屋處零落歸山丘爲十詩

憶在昭陵日傾心用老成功歸仁祖廟
政得一書生

羊生但著鞭勿哭西州門故有不亡者
南山相與存

慶州自不惡籍甚載聲華忠義可無憾
公今有世家

公歸未百年鶴巢荒古屋我吟殄瘁詩

悲風韻喬木

傷心祠下亭在時公燕處臨水不相猜
江鷗會人語

公有一杯酒與人同醉醒遺民能記憶
欲語涕飄零

委徑問謠俗高丘省佃作昔游非苟然
今花幾開落

在昔實方枘成功見圓機九原尚友心

白首要同歸

人去洲渚在春回花草斑清談值淵對
發興如江山

落日銜城壁祠東更一游悲來惜酒少
安得董糟丘

百花洲雜題

范公種竹水邊亭漂泊來游一客星神
理不應從此盡百年草樹至今青

竹下把酒

竹下傾春酒愁陰為我閑不知臨水語
更得幾回來

砌臺晚思

目極江南千里春誰令洒筆可招魂向
人猶作故人面翠竹蒼煙一萬根

夜發分寧寄杜澗叟

陽關一曲水東流燈火旌陽入釣舟我

自只如常日醉滿川風月替人愁

上蕭家峽

玉笥峯前幾百家山明松雪水明沙
虛人集春蔬好桑菌竹萌煙蕨芽

越虛人在煙中語
荷蓀歸來有蕨芽

何蕭二族

西漢功名相國多南朝人物數諸何向
來富貴喧天地亦有文章在澗阿

魏夫人壇

獨掃蛾眉作遠山春風瑤草照朱顏我
來欲問許玉斧二十四峯如髻鬟

隱梅福處

吳門不作南昌尉上疏歸來朝市空笑
拂巖花問塵世故人子是國師公

蕭子雲宅

郁木坑頭春鳥呼雲迷帝子在時居風

流掃地無尋處只有寒藤學草書

避秦十人

九真承詔上龍胡盡是驪山所送徒唯
有鄧公留不去松根搭鼎煮菖蒲

黃雀

牛大垂天且割烹細微黃雀莫貪生頭
顛雖復行萬里猶和鹽梅傳說羹

到官歸志浩然二絕句

雨洗風吹桃李淫，訟聲聒盡鳥聲春。
滿船明月從此去，本是江湖寂寞人。
鳥鳥未覺常先曉，笋蕨登盤始見春。
歛手還他能者作，從來刀筆不如人。

送酒與畢大夫

淺色官醅昨夜芻一樽，聊付卯時投甕。
邊吏部應歡喜殊勝平原老，督郵

招吉老子範觀梅花

播糠眯眼丞良苦，鳴鼓連村尉始歸。
及取江梅來一醉，明朝花作玉塵飛。

從時中乞蒲團

撲屋陰風雪作團，織蒲投我最宜寒。
君當自致青雲上，快取金狨覆馬鞍。

次韻吉老十小詩

十襲發硎刀無名，自貴高秋衣猶葛製。
午飯厭溪毛。

萬木霜搖落山呈斧鑿痕癡蠅思附尾
驚鶴畏乘軒

日短循除廡溪寒出日科官居圖書裏
小鴨睡枯荷

眼看人換世手種木成陰藏拙無三窟
談禪劇七禽

寒水幾痕落秋山萬竅號紅梨啄烏鵲
殘菊掛蠨蛸

佳人斗南北美酒玉東西夢鹿分真鹿
無雞應木雞

斲鼻昔常尔絕絃知者稀無人與爭長
惟有釣魚磯

茵席絮剪蠶枕囊收浹明南風入晝夢
起坐是松聲

半菽一瓢飲懸鶉百結衣蕭條鬼不瞰
聊可與同歸

學似斲輪扁詩如飯顆山室中餘一劍
無氣斗牛間

歐陽從道許寄金橘以詩督之從道

參禪嘗有言句來頗聞
數從歌舞飲故及之

禪客入秋無氣息想依紅袖醉毳毳霜
枝搖落黃金彈許送筠籠殊未來

黃幾復自海上寄惠金液三十兩
且曰惟有德之士宜享將以排蕩

陰邪守衛真火幸不以凡物畜之

戲荅

皺面黃須已一翁樽前猶發少年紅金
丹乞與煩真友只恐無名常籍中

侯尉家聽琵琶

舫齋蒼竹雨聲中一曲琵琶酒一鐘恰
似潯陽江上聽只無明月與丹楓

聞吉老縣丞按田在萬安山中

苦雨初聞喚婦鳩紅粧滿院木葉秋樽
前不記崔思立應在諸山最上頭

次韻喜陳吉老還家二絕

公庭無事吏人休垂箔寒廳對奕秋催
織青籠筍白酒竹爐煨栗煮雞頭
夜寒客枕多歸夢歸得黃柑紫蔗秋小
雨對談揮塵尾青燈分坐寫蠅頭

再次韻和荅吉老二首

水宿風飡甚勞苦勉旃吾子富春秋我
愧疲民欲歸去麥田春雨把鋤頭
賢勞王事一歸休霜落園林失九秋想
得君家烏鵲喜蛛絲縈繞玉搔頭

雙澗寺二首

二水犇犇鳴屋除松林落日吼於菟老
僧更有百歲母白髮身爲反哺烏
山陬江深屋翠崖夜鐘聲自甕中來長

松偃蹇蒼龍卧六月澗泉轟怒雷

酴醾

漢宮嬌額半塗黃入骨濃薰賈女香日
色漸遲風力細倚欄偷舞白霓裳

奉荅李和甫二絕

山色江聲相與清卷簾待得月華生可
憐一曲並舩笛說盡故人離別情
夢中往事隨心見醉裏繁華亂眼生長

為風流惱人病不如天性揔無情

洪範以不合俗人題廳壁二絕句

次韻和之

寂寥吾道付萬世忍向時人不覓賞音搔

首金城西萬里樽前從此歎人琴

德占
最知

洪
範

埋沒高才釣築間風雲未會要鯢栢南
康郡下叅軍耳付與紅塵白眼看

次韻荅杜仲觀二絕

鳥啼花動却春寒，雨壓青旗卷畫簾。
事今年廢詩酒煩，君傳語問平安。
重簾複幕和風雨，無柰催沽鳥喚人。
只是樽前欠狂客，舞娃冰雪酒磷磷。

再次韻杜仲觀二絕

短舞朱裙愜醉看，惜公官守隔江干。
遙怜得句無人賞，走馬城東覓道安。

詩家二杜見仍雲，佳句風流照映人。
青眼向來同醉醒，白頭相望不緇磷。

奉和孫奉議謝送菜絕句

春蔬照映庾郎貧，這騎持籠佐茹葷。
却得齋厨厭滋味，白鵝存掌鼈留裙。

學元翁作女兒浦口詩

五老峯前萬頃江，女兒浦口鴛鴦雙。
驚飛何處沙上宿，夜雨釣船燈照窻。

和李才甫先輩快閣五首

山寒江冷丹楓落
爭渡行人簇晚沙
菰菜蘋花飛白鳥
一張紅錦夕陽斜

赤欄終日倚西風
山色接藍小雨中
將老鬢毛秋著木
相思親舊水連空

長江淡淡吞天去
甲子隨波日月流
萬事轉頭同壺甌
一身隨世作虛舟

雲橫章貢雨翻盆
寺下江深水到門
落

日荷鉏人著本西風滿地葉歸根

西南嘉氣浮馬祖
東北祥風繞靜居
山

邑豐年人少訟
身來訪道得齋魚

幾道復覓檳榔

蠻煙雨裏紅千樹
逐水排痰肘後方
莫笑忍飢窮縣令
煩君一斛寄檳榔

立春

韭苗香煮餅野老亦知春
看鏡道如咫

倚樓梅照人

睡起

柿葉鋪庭紅顆秋薰爐沉水度衣篝松
風夢與故人遇同駕飛鴻跨九州

題海首座壁

騎虎度諸嶺入鷗同一波香寒明鼻觀
日永稱頭陀

題仁上座畫松

偃蹇松枝隔煙雨知儂定是歲寒材百
年根節要老硬將恐崩崖倒石來

次韻子瞻元夕扈從端門三首

赭黃繖底望龍章不斷唯聞寶炬香一
片韶音歸復道重瞳左右列英皇

端門魏闕鬱崢嶸燈火如山輦路平不
待上林鷲百轉教坊先已進春聲

仗下蕃夷各一羣機泉如雨自繽紛諦

觀香案傍邊吏却是茅山大小君

次韻子瞻送穆父二絕

渺然今日望人材每見紫芝眉宇開又
觸惠文江海去使帆誰與挽令回

謫官猶得住蓬萊抱牘人稀書卷開張
敬撫眉應急召董宣強項莫低回

和子瞻內翰題公擇舅中丞山房
幽人八座復中臺想見書堂山杏開四

十餘年僧屈指時因秋鴈寄聲來

以潞公所惠揀芽送公擇次舊韻
慶雲十六外龍樣國老元年密賜來披
拂龍紋射牛斗外家英鑒似張雷

承吏部蘇尚書右選胡侍郎皆和
鄙句次韻道謝

不待烹茶喚睡回天官兩宰和詩來清
如接筧通春溜快似揮刀斫怒雷

奉同公擇作揀芽詠

赤囊歲上雙龍璧

囊貢小團亦單壘
唯揀芽別雙壘

曾

見前朝盛事來想得天香隨御所延春

閣道轉輕雷

元豐末作
延春閣

今歲官茶極妙而難為賞音者戲

作兩詩用前韻

雞蘇狗蟲難同味懷取君恩歸去來青

箬湖邊尋顧陸白蓮社裏覓宗雷

乳花翻椀正眉開時苦渴羗衝熱來知

味者誰心已許維摩雖默語如雷

公擇用前韻嘲戲雙井

萬仞峯前雙井塢婆娑曾占早春來如

今摸索蒼龍璧沈井銅餅漫學雷

又戲為雙井解嘲

山芽落磴風回雪曾為尚書破睡來勿

以姬姜棄顛顛逢時瓦釜亦鳴雷

奉同六舅尚書詠茶碾煎烹三首
要及新香碾一盃不應傳寶到雲來碎
身粉骨方餘味莫厭聲喧萬壑雷
風爐小鼎不須催魚眼長隨蟹眼來深
注寒泉收第一亦防枵腹爆乾雷
乳粥瓊糜霧脚回色香味觸映根來睡
魔有耳不及掩直拂繩床過疾雷

王立之以小詩送並蒂牡丹戲荅

分送香紅惜折殘春陰醉起薄羅寒不
如王謝堂前燕曾見新粧並倚欄
露晞風晚別春叢拂掠殘粧可意紅多
病廢詩仍止酒可憐雖在與誰同

與李公擇道中見兩客布衣班荆
而坐對戲弈秋因作一絕

兩客班荆覆局圖看人車馬溷泥塗文
昌八座鄰樞極天上歸來愧不如

題歸去來圖二首

日日言歸真得歸
迎門兒女笑牽衣
宅邊猶是舊時柳
漫向世人言昨非
人間處處猶崔子
豈忍更令三徑荒
誰與老翁同避世
桃花源裏捕魚郎

題陽關圖二首

斷腸聲裏無形影
畫出無聲亦斷腸
想得陽關更西路
北風低草見牛羊

人事好乖當語離
龍眠只出斷腸時
渭城柳色關何事
自是離人作許悲

次韻荅少章聞鴈聽雞二首

平生絕少分甘處
身要從師萬事忘
霜鴈囂羣傾半枕
夢回兄弟綵衣行
朝士聞雞常半途
朱門擁被不關渠
秦郎五起聽三唱
殘燭貪傳未見書

題王居士所藏王友畫桃花二首

凌雲一笑見桃花三十年來始到家從
此春風春雨後亂隨流水到天涯
凌雲見桃萬事無我見杏花心亦如從
此華山圖籍上更添潘閔倒騎驢

戲荅仇夢得承制

結髮從征聽鼓鼙未曾一展眉中竒彎
弓如月落霜鴈誰道將軍能賦詩
橫槊不爲萬騎先傳杯把筆過年年懷

中黃石閑三略道上青旗漫百篇

題劉氏所藏展子虔感應觀音二首

人間猶有展生筆佛事蒼茫煙景寒常
恐花飛胡蝶散明窓一日百回看
群盜挽弓江簸舩丹青當在普通前誰
能與作赤挽板老筆猶堪壽百年

以虎臂杖送李任道二首

走送書堂倚絳紗瘦藤七尺走驚蛇晴

沙每要交頭拄尋遍漁翁野老家
未衰筋力先扶杖能救衰年十二三八
百老彭嗟杖晚可憐矍鑠馬征南

謝周文之送貓兒

養得狸奴立戰功將軍細柳有家風一
簞未厭魚餐薄四壁當令鼠穴空

太平州作二首

歐靚霽支柳一渦小梅催拍大梅歌舞

餘片片梨花雨奈此當塗風月何

歐靚善舞

千古人心指下傳楊姝煙月過年年不

知心向誰邊切彈盡松風欲斷弦

楊姝善琴

長沙留別

折脚鐺中同淡粥曲腰桑下把離杯
君不是南遷客魑魅無情須早回

贈花光老

浙江衲子靜無塵箇箇莊嚴服飾新何

似乾明能效古渠知北斗裏藏身

六言

戲呈田子平

茸割即非茸割肥羊自是肥羊老夫纔
堪一筋諸生贊詠甘香却歎佳人織手
晚來應廢紅粧荊州衣冠千戶厚意獨
有田郎

次韻舍弟題牛氏園二首

春與園林共晚人將蜂蝶俱來樽前鳥
歌花舞歸路星翻漢回
春事欲了鶯催主人雖貧燕來玉燭傳
盃未厭金吾晝夜驚回

從丘十四借韓文二首

吏部文章萬世吾求善本徧窺散帙雲
窻斐几同安得見丘遲
中有先君手澤丹鉛點勘書詩莫惜借

行千里他日還君一鷓

題馬當山魯望亭四首

彭澤舊治所

馬當一曲孤煙人物于今眇然不見繞

籬黃菊誰收種秫圭田

一作有地自荒
稅稻無人更與

酒錢

右元亮

鯨波橫流砥柱虎口活國宗臣小屈

一作

少弦歌百里不誣一作莫言天下歸仁

右狄梁公

不見魯公斷石誰家為礎為石筆法錐

沙屋漏心期曉日秋霜

右顏魯公

笠澤道人高古文章白髮蕭條

一作文章歲寒

凋後欲問勒銘遺墨應書水府蛟綃

右陸魯望

題子瞻書詩後

詩就金聲玉振書成蠆尾銀鈞已作青
雲直上何時散髮滄洲

戲贈高述

江湖心計不淺翰墨風流有餘相期乃
千載事要須讀五車書

豫章先生外集卷第八

豫章先生外集卷第九

哀詞 墓表 碣 誌銘

張翔父哀詞 并序

張庖民翔父往在皖溪口開泉長安嶺
下元豐庚申十月余舟次泉下醵泉滌
茗嘉若人之同臭味蓋已風期與之友
於是槃礴泉上斲土出石巽巔如龜伏
而吐源乃名曰靈龜泉勒銘泉石屬裴

士章憲之蒔梅百本斬惡木而後行壬
戌六月翔父之息耕護翔父之喪過泉
下翔父才德初不在人後俯仰庸人不
甚出奇見異其於林泉心安性服之也
作詩清壯能爲不經人道語迤回歲晚
拚棺曹溪爲作哀詞遺耕且諉翔父之
甥胡僧孺唐臣鏡之靈龜泉上以圖不朽
我觀翔父兮白璧黃金藝蘭九畹兮

寂寞中林號鍾清角兮蛛以爲室子野
骨朽兮誰明此心驥思天衢兮款段叅
駕西子掃除兮嫫母薦衾萬世一軌兮
螻蟻同域志則日月兮與天照臨走官
窮海兮齎恨下泉歸舟載旌兮行路沾
襟靈龜伏坎兮古木風雨歎崖銘詩兮
金玉同音九原松聲兮吾得詩友遺橐
怨絕兮絡緯霜砧寫哀寒水兮琢詞堅

石君有嘉息兮安知來者之不如今

宛丘懷居士墓表

聖人不作道不明於天下晚出之儒玩禮義之名而陋於知人心失學問之意而士必以讀書爲選以予考於書猶及見古君子之論人雖瞽師卜祝下至百工之賤因其方術心通性達總其要歸有合於道德之序者皆以義取之而不

廢也士固有不幸而出於取人無定論之時挾魁磊非常之器而納於流俗之繩墨不資經義文章終無以自昭於世者若宛丘懷居士爲近之居士少喜醫方自神農草木書黃帝內外經扁鵲倉公之傳無所不觀遂以其方名爲鑿博士爲人治齊數有功由此知名居數年厭之以其方授子孫并致家政策築室其

旁遠事獨居率月再畢祀事子孫既自力不敢溷事迺聚浮圖書闔門而讀之寐不用師渙若冰釋雖不多爲人道之而性行純熟應對機警稍稍爲人所傳江湖淮淝之濱浮圖氏之達者無不來歎聲實既見而歎曰此吾師所謂見鞭影而逝者王公大人多與之游居士雍容上下使人不可親踈而未見其有求

也既七十歲舉累世不葬通列籍之喪二十餘身辦其事曰是責在我不當以累子孫異時人疑居士道挾趣足自容及其與子孫分職皆有條序益知其自得者未可以衡尺論也居士諱敏字仲訥享年七十有五子和孫邁皆守其方試國子四門助教世再傳而尤妙於其術古者貴三世鑿於懷氏益信斯言和

於喪葬皆應禮狀居士平生來請表於墓是爲表

陳君碣

陳穀潤之世籍龍游少長魁壘乘不繫舟飯飢衣寒不恤有無園棊舉酒品藻圖書賓至如歸士夫師儒晚發家笈玉板靈樞潛心岐雷越人淳于雲飛必育淵深必鈎聚蓄藥草以待疾痛蒸暑作

厲死相枕藉行人掩鼻君入其舍藥之粥之爲歸爲救起僵息躍訖不受謝夜半叩門不擇貧富壽五十九沒於牖下夫人文氏不吝不奢祭祀賓客內助靜嘉教誨三子皆世其家奉持佛律耆耄不違遺命慈祥笑語蟬蛻鄉曰以孝里曰和義從宅于祖嘉木斲翳碣其德音以詔來世

黃庭僉墓誌銘

庭僉莆田黃氏幼少強學游居寢食以書自隨著書二百卷刺六經失傳正史氏不當名論世合變其說汪洋使學者斟酌厭飲自趨其歸一時士大夫多傳其書故庭僉未入臺省名動京師四方劉仲原父在揚州得庭僉所著書以爲似兩漢儒者已而試開封府進士居第

一同時學士大夫絕不敢與比肩而進庭僉四黜於禮部翰林學士鄭獬御史中丞滕甫知貢舉王珪進士許安世等若干人交章論薦迺得召試舍人院除撫州司戶參軍國子監直講以憂去服除權太常寺主簿兼禮院檢詳文字禮祠客膳四部主簿樞密直學士陳襄薦之於朝曰君俞雖蒙收用未當其能除

真州軍事推官知潤州金壇縣事崇文
院校書改館閣校勘元豐己未五月壬
申以病卒官享年五十有五庭僉事親
持喪與兄堯俞居貧賤鄉州師用其禮
而歸仁焉對諸生講勸未嘗視日蚤莫
為勸容為省寺主簿不循俗媮歲月督
程儉姦皆以律令聽之諸公知庭僉不
類小儒面墻吏道方嚮用之而庭僉死

矣曾大父仁濟大父中孚父問通五經
里居諸生從受業尚書右丞皇甫泌誅
之曰義成逸士庭僉娶林氏四男子皆
在童稚四女子嫁某官方澤某官方安
道某官陸如岡其季居室林夫人以某
年月某甲子遂壩於義成之域命族子
殿中侍御史降乞銘於豫章黃庭堅詢
事考言作為銘詩其詩曰

義成之丘其栢其松豈曰不伐行人致
恭新寔在位昭穆異宮維義成力穡而
無年維金壇逢年而不豐藜是諸孤載
尔耒耜時播時穫對前人功

胡府君墓誌銘

府君諱某字某少孤事母甚力以故貲
百金兄子負公錢逮捕君傾產爲償致
無以自衣食而不悔出入鄉黨勸善救

過赴人之急難人皆悅之聚經史教兒
讀書鬻所乘馬延士人與之游一縣笑
之曰開田以望歲近市而求贏吾猶時
則不獲奚事讀書君不爲變已而其子
蒙學行有聞登進士第於是里巷以榮
而鄉先生大人以歎其智度遠也蒙爲
吉州安福尉某之某官信之永豐令君
教以吏道皆可傳元豐二年正月某甲

子考終於永豐官舍春秋七十有一卜
以某年月某甲子葬於清江縣修德鄉
之原夫人顏氏三男子長允明蚤卒次
則蒙次啓三女子仲蚤卒其二女子嫁
某官羅審禮進士劉渙曾祖某祖某父
某居清江舊矣其上世皆力田故不知
其所從來蒙以羅審禮之狀來乞銘序
府君世系行事如此蒙庭堅之友也好

學而文仕能其官足以觀府君之善教
敢不銘銘曰

有孫有子其承畀予如土于苗藝麻不
忝永豐繩繩以親譽處維若人之緒旣
兆元龜宅是吉卜藏以我銘考信終古
有宋君子李正夫墓銘

嗚呼正夫當時而不趨後時而不覩人
皆疾驅我車徐徐不曲而腴寧直而癯

以貴穉予嘑而辟除不回之勇辟易萬
夫白首于塗懷璧不沽士不信道寵辱
百戰以道觀逢乃其夜旦丹陽之丘既
命著蔡嗚呼正夫安宅無悔

賀州太守歐陽君墓誌銘

君諱問字勉之歐陽氏世傳其先渤海
歐陽堅石死趙王倫事其族人避地長
沙故江湖諸歐陽皆祖堅石君為江陵

人自大父始大父諱企死醴陵令父諱
準不仕君以孤童力學舉進士數不偶
以恩賜三禮出身仕果州安州司法參
軍瀘川令改衛尉寺丞知南海縣事當
官行其所聞不以少吏自屈奏書論南
平雖朝貢法不應弛邊關其後卒如君
言舉監永通錢監歲課辦甚遷太子中
舍知賀州行及陽山而卒年五十有三

夫人趙氏於是亦卒一男五女男曰獻
舉進士不墜其家女嫁河源尉梁暕某
郡李兼材某郡秦端友其二女早卒君
卒以熙寧十年十月某甲子獻以元祐
元年八月某甲子乃克葬君於當陽之
靈山因子所識荊州教授李雲從來乞
銘故予銘銘曰
持詩書賈不得羸以仕易農著廉能迄

可治大中隕傾固安其丘坎有銘吏而
勤民尚後興

王長者墓誌銘

長者海昏王氏諱溲字永裕祖倫父智
世力田喪祭望鄉邨長者天資善治生
操竒羸長雄其鄉遂以富饒築館聚書
居游士化子弟皆爲儒生則以其業分
任諸子獨徜徉於方外道人雲居了元

東林常摠皆攝杖履徃遊其藩元祐丙寅正月辛卯終焉享年六十有二前此三年自築丘於青山之西原松檜成列矣去十月過存里中親好相勞苦勸戒若將遠別爰及辛卯中外之弔哭者曰君蓋聞道者邪先配陳氏繼室兩謝氏七男子楸崇信森棣權彬植崇信前死三女二婚曰董轂高友諒其季未媒也

楸等遂以其十月某甲子奉窆窆如初志楸娶李氏女於庭堅母夫人爲族兄弟故楸因乞銘太夫人曰汝以外家故不可辭遂銘之銘曰
以義力其窮以智謝其豐以理考其終以文歎其封

黃氏二室墓誌銘

豫章黃庭堅之初室曰蘭溪縣君孫氏

故龍圖閣直學士高郵孫公覺莘老之
女年十八歸黃氏能執婦道其居室相
保惠教誨有遷善改過之美家人短長
不入庭堅之耳方是時庭堅爲華縣貧
甚蘭溪安之未嘗求索於外家不幸年
二十而卒殯於葉縣者二十二年繼室
曰介休縣君謝氏故朝散大夫南陽謝
公景初師厚之女年二十歸黃氏閑於

業

禮義事先夫人愛敬不倦侍疾嘗藥不
解衣至於復常修禪學定而不廢女工
能爲詩而叔妹不知也言有宮庭行有
防表不皦不汙長少咸安懷之年二十
六而卒生一女曰睦才四歲過時而先
夫人哭之哀殯於大名者十一年元祐
六年先夫人捐館乃克歸二夫人之骨
於雙井八年二月從先夫人葬焉同宮

而異擲初庭堅年十七從舅氏李公擇
學於淮南始識孫公得聞言行之要啓
迪勸獎使知嚮道之方者孫公爲多孫
公憐其少立故以蘭溪歸之及庭堅失
蘭溪數年謝公方爲介休擇對見庭堅
之詩曰吾得壻如是足矣庭堅因往求
之然庭堅之詩卒從謝公得句法嗚呼
如蘭溪之女美介休之婦德皆室家之

則也常欲以楚詞哭之而哀不能成文
二夫人平生常恨無男二夫人沒後庭
堅始得男曰相它日當使相乞文於予
友而刻之隧以哀其志

董夫人墓誌銘

夫人董氏開封人少入梁氏事尚書水
部郎中諱如圭實生北京留守推官河
北轉運司勾當公事鐸通直郎都水監

承鑄宗室右武衛大將軍彭州刺史克
艱之妻鐸生八歲水部君捐館舍夫人
奉嫡夫人永和縣君王氏字其遺孤襁
負携至於男女有家室二子成人事永
和如已自出永和爲夫人有數其後持
永和之喪及其襄事春秋皆如禮意慈
祥而不欺喜言人之善而好施享年七
十有二及見孫男女十有五入婚宦者

半鑄之妻同安郡主濮安懿王女也執
婦事在寢門其存也榮其歿也哀將葬
鐸等以狀來告曰先夫人終以元豐八
年六月辛巳卜以七月辛酉奉時窆窆
其兆在祥符縣北常之源願得銘以垂
世傳後放於二子之交游以爲人誠可
銘遂爲銘曰

梁氏之棣其鄂鞞鞞雖其才良母氏勤

止樛木葛藟肅離于宮有蕢其實茂對
本枝淑善壽考燕譽終始銘石下泉以
慰孫子

王氏墓誌銘

王氏女柔字伯惠年若干嫁爲京兆府
櫟陽尉朱春卿之妻生一女而病卒於
外家春卿歸其柩葬於岳州巴陵之原
祔于其姑柔父稚川余友也爲余言柔

敏慧孝慈學文知義理觀西方書若有
所超殆將蟬脫塵垢玉雪其躬不幸短
生哭之哀甚敢乞銘以紓痛則爲作銘
銘曰

凡命於天甚美難守陶人爲鈞賦物常
巧火齊孔時坯甗十九器成而舉之墮
越于後若人之不淑無所歸咎

單卿夫人張氏墓誌銘

夫人張氏出瀛州河間徙京兆萬年考
諱曜當世洵洵與其族臥終南山不出
名聲籍籍關中晚出仕為太常博士夫
人居事繼母有聞博士為擇對以嫁
平原單公歸而事嚴姑如事繼母力貧
為家不以累其夫故單公得讀書登進
士第仕而顯於朝以禮終始長姒沒夫
人襁負其兩兒母之人不謂非已出也

夫人屢失子免乳得男而姑病夙夜藥
糜不慈其子君子以為難攻苦忍窮垂
二十年至於泰而能用其有收卹中外
光祿捐館舍則以梱內付子婦而老於
堂齋几薰鑪宴坐終日晚迺游道人宗
本法秀之間知生死之說壽八十四力
疾醜沐待期而終顧視家人無戀嫪意
光祿與今上同名當以字行曰孟陽夫

人歷封安定壽安二縣仁壽即三男子
燁鎔皆通直郎渢宣德郎兩女子歸某
郡王至言曲陽尉席延卿夫人終以元
豐乙丑七月辛丑葬以其十月某甲子
其兆在齊州長青縣天華南管先光祿
之吉卜也燁等以陳留李之儀狀來乞
銘之儀道夫人之義甚高且曰詩人所
謂女士者將在於此不可以不銘銘曰

夫人居室繼親受福濫觴成江單宗慈
睦承尊孝恭撫下仁哀使非已子於予
母懷林回棄璧負子逆旅愛日事姑寧
絕兒乳朝聞夕死士不及牆玉珥珠襦
乃或升堂道無情狀言得則謗委命蟬
蛻以觀無妄女德能一國風所嘉能人
難能夫人則多光祿有宮歸奉滄擲作
爲訓詩告後勿伐

趙夫人墓誌銘

進士李慥挾恬之母夫人趙氏其父曰
紳其夫曰通儒李皆安陸人夫人幼少
敏慧讀書誦詩通其義說十八歸李君
夙夜舅姑之所恭順而明微祀事能勞
燕居不黷婚媾恩施孔惠孔時族人師
用之有女俗持里人笄髻中物珠幾價
十萬急貸於夫人請半價曰是可乾沒

夫人曰乘人之緩急而利之則害仁尊
章在堂而私市則病義智及此又能守
之為婦十有三歲三男一女而卒卒時
長男始十二歲其顧託之言可傳後十
有九年自恬以上皆知學而女子為士
人韓操妻於是夫人可无憾元祐改元
之二月某甲子慥等乃克奉襄事於其
縣青木之原王舅之域走數千里來乞

銘哀其意予銘銘曰

於戲夫人婦德孔有胡不黃耇中棄穉
乳考德銘詩以勸歸女亦勸三息欽念
母言茂爾德聲慰此下泉

章夫人墓誌銘

夫人章氏某縣君處士慶之女爲分寧
著姓能以豪右致學士大夫年二十四
歸我伯父祖善祖善黃氏以文學知者

皇祐某年進士仕竒不逢以大理寺丞
致仕今以奉議郎家居夫人爲婦爲妻
舅姑曰齋祀春秋能不勤我夫曰凡吾
得盡心官學者維室家之宜爲母爲姑
子順教詔日就月將婦承功緒休其蠶
織其爲人勤敏樂易幼少智慮如大人
白首而血氣不惰啓手足之日有善言
享年六十有七終以元祐壬戌九月某

甲子葬以乙丑某月某甲子其山曰馬
鞍三男子曰某曰某曰某三女子嫁黃
州判官吳卞武昌李康年淮南節度推
官林鎬夫人於庭堅小功母也太夫人
曰吾少歸汝家妙遇我有禮汝為好作
銘庭堅則再拜而銘銘曰

紫陽之山礲礲其谷水清且脩卜宅其
上游宜爾孫子祠春秋登彼墟矣訃且

樂不如不隙藝爾松栢無俾薪牧千秋
萬歲永安宅

酈氏墓誌銘

夫人酈氏亳州衛真人夫人幼敏慧父
仲隱竒之欲以歸士大夫而地寒未能
自致也故西京作坊使贈金紫光祿大
夫宋君始喪其室李夫人聞夫人之風
以幣迎之入宋氏族姍皆稱其懿行享

祠能嚴餽問孔時不吝於寒宗不忌於
群妾生子遠與适而宋君捐館舍遠七
歲矣适才四歲持宋君門戶喪祭如禮
粥笄髮間物延致師友成就其子託於
榮養有邑有壽昌於其先敬能悅安之
居已下者能慈哀之不愠不求眉壽而
康終於邠州适之官舍享年七十有三
宋君諱仲李夫人晉陵縣太君遠為壽

州觀察推官而卒适今為承議郎通判
衛州將以元祐五年正月某甲子葬於
共城之麓臺狀夫人節行來乞銘銘曰
昔在漢京高陽酈生輟漢王洗以舌下
城惟死事孤芥侯高梁曲周相漢侯則
以功寄雖賣友為王吉凶夫以文鳴鴻
困燕雀道元述川綜百氏學酈宗寥寥
中缺不嗣夫人之興實維女士其宗無

人或在甥出令子若孫尚似諸鄰

陳夫人墓誌銘

故福州長溪主簿吳君夫人陳氏其父
左侍禁知高州諱祕開封人初高州子
男女且十人皆蚤世晚得夫人幼童慧
寤成長淑慎故高州奇此女閱壻父之
廼以歸長溪長溪磊落人三佐縣不可
意棄官歸藝花遇人情不可堪忍崢嶸

於曾次而上於眉宇之間睥睨畦園釋
然忘懷以是心通意得於草木之性間
雨露而封殖之能與物爲四時而吳氏
花名江南蓋婆娑林丘十餘年而後終
雖長溪自得之而夫人燕安田里實有
助焉夫人歸吳氏不及皇姑事長姒如
姑禮外姻來者初不知其娣姒也自奉
養菲薄施畀族黨甚周諸兒皆夫人勸

督官學也尤喜誦浮屠書平生自力以
數萬過子姪念其春秋高勤誦索氣共
諫止之夫人曰人心所安樂國禁不能
沮也其所不願國賞不能勸也吾誦書
猶乃翁蒔花也疾革顧兩侍兒掖坐命
二子曰吾處常得終汝曹可無憾遂瞑
實元豐四年九月十二日享年六十一
維夫人少則能婦長則能母陳義甚高

疾亟而不亂斯其可銘長溪諱長裕崇仁
人而葬番之東岡夫人祔焉五男二女
其四早卒久中歎令美中進士薦其州
女嫁承務郎郭禮立銘曰

在番之陽孔樂東岡維息克孝以夫人
藏其松其栢其杉其栝築丘岑岑尚勿
剪伐深谷旣陵土不闕瘞刻詩不磨永
孚來世

叔母章夫人墓誌銘

叔母章氏洪州分寧縣人處士諱積之女夫人幼喜誦書弄筆墨父母禁之與諸女相從夜績待其寢息乃自程課由是知書事父母居其喪以純孝聞年若干歸叔父叔父母性豪甘酒好賓客客至咄嗟責辦夫人怡然從令未嘗不肅給也叔父平日大率常醉或使酒嫚侮

夫人承之未嘗不以禮也夫人嘗問叔父之不甚醉時諫曰君終日如是使諸子皆法象何以爲家叔父曰吾兄弟兄弟之子多賢克家者自當不法我而法彼也夫人歸不及舅姑事叔父之所生母李氏如姑禮盡愛盡敬李氏年八十六乃終其遺言曰吾百無憾不忍捨孝婦去耳分寧之俗所生母皆服役於其子

婦聞夫人之風乃欣慕焉夫人年三十
有四而叔父捐館舍二男二女皆幼毀
瘠殆不勝喪既而幡然改曰我死則負
託孤之心乃致力窀穸之事為二子築
屋治生識者以為有男子之智列婦之
節慈哀使令知其勞逸家人熙熙教子
不威而使其子退而思其言戊寅之歲
四月辛卯召其子回曰吾往時嘗因吾

弟楚材聞龍山祖心禪師死生之說吾
今日百骸欲潰而不得脫其病安在汝
取圓覺來誦之回誦至地水火風四大
各離今者妾身當在何處夫人曰止召
婦女告以後事即命掩室而化享年六
十有二長子某蚤死次則回女嫁進士
南宮元龜王大成回好學深探其本原
事親居喪盡敬盡哀將以某年月日葬

夫人於脩水之上游地曰迷仙而數千里來請銘於戎州某泣曰安康郡君無恙時嘗言章夫人於我有恩有禮汝等不可忘其敢不銘銘曰

夫人來宅令儀令色不忌不克奉姑如嫡於夫於息致曲而直賢而多能自晦而明身嫠子嬰守節如城靜爲五兵終莫之陵孝子兢兢旣卜佳城伐山勒銘

遠其德聲其松其檉斯其棘荆脩水縈瑩以配其清

永安縣君金氏墓誌銘

夫人永安縣君金氏家番陽故廣東轉運使尚書度支郎中諱君鄉之第二女供備庫副使夔州兵馬都監梁君在和之妻夫人事繼母以孝聞事其姑如事其母居家富貴歸梁君而安其貧篤信

釋氏誦其書奉其戒律年四十則掃除
一室謝梁君而齊居杜多比丘尼以爲
難能也平居笑語雍容雖其所不懌未
嘗見聲氣對梁君如賓客處姬妾如娣
姒撫諸子如已出喜讀書善筆札諸子
皆授經於夫人未嘗從師其子千之有
學行士大夫稱焉歲在乙亥月仲冬日
某甲子沒於夔州官室兒女姬妾剖肉

爲祭煉臂燃頂刺血書佛經者數人其
慈愛出於忠信可知也六男子長定之
三班借職次千之外之亞之精之百之
四女皆在室千之以汝南程旨味道狀夫
人內行狀來乞銘味道立義不侵少許
可非其實不傳故叙而銘之銘曰
猗歟夫人在家怡怡來歸祁祁女宗婦
師內外且宜賓禮夫子慈愛妾媵退考

於室淵默清靜鳴鳩在桑在梅在榛怒
之喜之乳哺補紉宴居不惰文史翰墨
諸子執經其音秩秩襄門之女夫人有
之興門之男千之似之永安錫封以夫
介寵千之方興尚賁其壟

辛夫人墓誌銘

夫人姓辛氏諱媛并州軍事推官諱顯
仁之女尚書駕部員外郎諱有則之孫

贈戶部尚書諱若冲之曾孫其先隴西
狄道人後世稍徙於潁川河汾無顯者
維狄道之辛與潁川之辛班班見於史
官潁川之辛又多聞人夫人蓋從潁川
之居陽翟者也有諱仲甫者以參知政
事事熙陵有聲以太子少保致仕贈太
師尚書令兼中書令封晉國公是為夫
人之高祖也夫人年若干歸為蘇熹道

宗之妻若干歲以卒無男子生二女孟
蚤卒其仲尚幼卒時道宗爲汝州襄城
縣主簿某年某月某甲子也以某年某
月某甲子葬於潤州丹陽主簿之原祔
曾王姑之兆將葬道宗告其常所與游
豫章黃庭堅曰吾妻不幸蚤世然其行
云云有足銘者子爲我銘其墓遂用其
言爲銘銘曰

嗚呼夫人淑慎柔嘉宜婦宜妻歸寧外
家始從夫人仕在襄野視去舅姑如去
父母寡笑寡言靜好讀書思齊古人勇
於事夫屏去浮夸中饋是敕脫笄解髻
以羞賓客婉婉襜褕呱呱女嬰中途失
母啼不成聲不足者年尚多者德我爲
銘詩以慰幽窆

狄元規夫人墓誌銘

壯士在險或以辱身夫人秉義不緇不
磷人哀其嫠予哀二女之孰母人恤其
緯予惟斯文其不窶養孤能勤抱書泣
旻牲不拚豆以祠秋春女歸有孫負攜
來寧襄陽文章如漢西京夫子之耜子
終其畝立狄氏牖戶莫予敢侮刻銘其
丘作憲諸女

任夫人墓誌銘

吾友廖明略自安陸寓書京師乞餘銘
其妻任夫人之墓其狀曰任氏歸正一
七年三生子男曰青箱青規女曰念三
不幸年二十五而卒性敏慧頗通書柔
婉孝仁在貧而樂先夫人愛之如已子
不幸先夫人即世任不勝哀閱九旬亦
死將以元祐元年十二月癸丑從葬舅
姑之墓次願得銘以塞悲庭堅曰如是

可不銘梓州郪縣有任軫者及其弟更有聲治平進士間遂同年登第軫父伯傳任尚書都官郎中有人物水鑑見明略爲童子時曰此人後必以文章顯故以軫之女嫁明略云其銘曰

委佩兮結縞來有家兮咸宜承尊章兮相夫子豐約有時兮百歲同死忽兮與朝露同晞弃所愛兮無不之刻詩玄宮

兮匪其對食之私逮其成人兮告箱與規

湖州烏程縣主簿胥君夫人謝氏墓誌銘

夫人陳郡陽夏謝氏其世序甚遠代常有人太子賓客贈禮部尚書諱濤者曾大父也兵部員外郎知制誥贈司空諱絳者大父也嘗任司封郎中提點成都

府路刑獄公事或以疑似中之坐失官
家居者數年已而有大臣寃其獄天子
直之今爲屯田郎中通判襄州名景初
者父也夫人方室處靖深婉孌言動皆
顧繩墨父母曰吾女材必擇所宜歸則
以嫁胥君茂謚茂謚醇厚敏達學問自
將調湖州烏程縣主簿以卒夫人之歸
胥氏年二十祖姑翰林瑯琊公之配建

康太夫人在堂於夫人爲外祖母然夫
人終不以外氏故不盡節於夫家禮意
篤密而恩施周內外族嫻莫不謂宜其
歸未幾舅都官君捐館舍烏程又早世
生二子輒失之建康君亦終於堂夫人
獨奉其姑成安韓夫人以立胥氏門戶
憂患窮困人視之若將不終日夫人縱
觀方外之書求死生之說時時呻吟應

荅不類閨門中語或傳於親黨間理致甚高益知夫人之根惠而韻勝也熙寧乙卯四月輿疾歸父母家而卒以九月癸酉享年三十有一客其柩於穰成安君及烏程之弟茂世卜以元豐庚申五月甲子奉建康之窀穸於是歸夫人之柩於陽翟祔烏程之封使以其狀來乞銘庭堅於夫人妹壻也實叙而銘之銘

曰
敏膚順慈父母受祉齋栗雍穆舅姑咸喜譽達州黨燕及君子宜處宜歸在瘞不疚不畀之壽則莫承其後無所歸咎膺膺韓城葬從其夫作銘下宮示後不誣

王氏墓誌銘

夫人豫章王氏宣德郎知宣州南陵縣

事楊淑之母也。南陵爲吏有能聲莅事
敬畏處僚友不爭以爲夫人之教也。元
祐七年夫人壽七十有九以四月壬辰
考終於南陵之官於是南陵以其十二
月庚午葬夫人於清江之原楊氏之兆
從君與夫人如生禮使來告曰淑斬然
在襄削之中不得躬受命幸嘗爲僚辱
知且愛敢乞銘以圖不朽則叙而銘之

夫人少入楊氏事君主君曰太中大夫
諱申主母曰南康郡君時氏大夫公初
以著作佐郎監閬州稅法不聽以其孥
之官故南康命夫人侍焉享嘗吉蠲賓
豆肅給大夫公安焉生一男一女男則
淑也女嫁進士陳發夫人蓋晚而主南
陵家事服用平素不有私橐而責淑以
清慎奉佛潔齋不聽間言而迨婦以孝

蘇含飴而弄曾孫忘其耄老於戲是可
銘也銘曰

江漢廣矣有渚有沱別而不殊乃同一
波從君于蜀攝將相事歸而就列不沮
不忌甚順而穀乃膺多福黃髮曲局燕
其子之祿其子其婦其孫其曾敬承竈
封無有悔懲

南昌黃先生外集第九



